




Årsrapport 2022

Stord kyrkjelege fellesråd



DEN NORSKE KYRKJA
Stord kyrkjelege fellesråd

ÅRSRAPPORT 2022

Stord kyrkjelege fellesråd

Rammeområde: **Den norske kyrkja**
Delrammeområde: **Stord kyrkjelege fellesråd**
Dagleg ansvar: **Kyrkjeverja**
Målgruppe: **Innbyggjarane i Stord**

Medlemer i fellesrådet : Dag Sele, leiar (Stord)
Marit Stalheim Grimstad, nestleiar (Nysæter) fram til 14.09.2022
Heine Kaldefoss, nestleiar (Nysæter) frå 14.09.2022.
Nils Dale Elde, Stord
Jens Arne Stautland, Nysæter
Øyvind Kyvik, kommunal representant
Jørgen Knudsen, geistleg representant

Heine Kaldefoss, 1. varamedlem, Nysæter fram til 14.09.2022. Deretter fast repr.
Anders Dahl, 1. varamedlem, Stord
Karen Valvatne, 2. varamedlem, Nysæter fram til 14.09.22. Deretter 1.vara.
Kirsti Frugård, 2. varamedlem, Stord
Torbjørn Brosvik, varamedlem, kommunal representant
Olav J. Oma, varamedlem, geistleg representant

Kyrkjeverje Liv Kari Bru, sakshandsamar/skrivar for fellesrådet

HOVUDMÅLSETJING:

- Ivareta administrative og økonomiske oppgåver på vegne av sokna.
- Utarbeida mål og planar for den kyrkjelege verksemda i Stord.
- Sikra samanheng mellom mål/planar og økonomiske ressursar.
- Fremja samarbeid mellom sokneråda
- Ta vare på sokna sine interesser i høve til kommunen.
- Forvalta gravplassar og bygg med orden og vyrdnad og i samsvar med gjeldande lover og føresegner.
- Ivareta tilsette i Stord kyrkjelege fellesråd.

VERKSEMD/ OMRÅDE (Jfr. Kyrjelova § 14 og Gravferdslova § 3)

Kyrkjeadministrasjon, økonomi-, personal- og planarbeid, kyrkjebygg og gravplassar i Stord og Nysæter sokn.

RESULTATMÅL FOR ÅR 2022

1. Kyrkjebygg og gravplassar skal vera ei verdig ramme kring kyrkjelege handlingar og annan aktivitet som kjem inn under kyrkja si verksemd. Dei skal ha ein praktisk funksjon og bli forvalta på ein forsvarleg og tenleg måte.
2. Gode rammevilkår for kyrkja. Det skal vera samsvar mellom ressursar som økonomi, utstyr, personale og dei oppgåver som kyrkja skal løysa ut frå lovverket og lokale mål og forventningar.
3. Utvikla godt samhald og samarbeid både internt i kyrkjeorganisasjonen i Stord, mellom kyrkja i Stord og kommunen, staten, andre kyrkjelege fellesråd samt frivillige organisasjonar og einskildpersonar.

I 2021 hadde Stord kyrkjelege fellesråd 5 (5) møte og handsama i alt 47 (48) saker. Møtebok frå samtlege møter er å finna på www.stordkyrkja.no

Kyrkjer og gravplassar

STATISTIKK

Kyrkja i Stord driv ei stor verksemd som på ulike måtar har alle Stord sine ca. 18 900 innbyggjarar som målgruppe. Kyrkjene har vore i bruk til dei aktivitetane som kyrkjelyden, biskopen og sokneråda har ynskt.

Tekst	Tal Stord	Tal Nysæter	Sum
Gudst. og arr. med gudstenesteleg karakter	92 (119)	56 (64)	148 (183)
Besøktal på gudstenestene ovanfor	10193 (7457)	4410 (3186)	14603 (10643)
Gravlagde på gravplassane i Stord kommune	114 (97)	14 (15)	128 (112)
Døypte	101 (119)	28 (30)	129 (149)
Vigde (bryllaup)	33 (11)	1 (2)	34 (13)
Konfirantar	102 (118)	26 (33)	128 (151)

Tal i parantes gjeld 2021. Komplette kyrkjeleg årsstatistikk 2022 er utarbeidd og sendt til Statistisk Sentralbyrå. Statistikken er også tilgjengeleg på Stord kyrjekontor. Både 2021 og delvis 2022 var prega av koronarestriksjonar og såleis ikkje heilt samanliknbare med andre år.

Talet på gravlagde på gravplassane + utlevert til oskespreiing i Stord kommune:

Stord

År	Kiste	Urne	Totalt
2022	73	43 + 3 (oskespreiing)	119
2021	69	26 + 2 (oskespreiing)	97
2020	56	27 + 1 (oskespreiing)	84
2019	70	38	108

Nysæter

År	Kiste	Urne	Totalt
2022	12	2	14
2021	11	3 + 1 (oskespreiing)	15
2020	13	2 + 1 (oskespreiing)	16
2019	15	2	17

Det finst eigne årsrapportar for kyrkjelydsarbeidet både frå Stord sokneråd og Nysæter sokneråd.

Sokneråda sine årsrapportar kan ein få på kyrkjekontoret.

Den offisielle kyrkjelege årsstatistikken for Stord prestegjeld ligg føre f.o.m. 15. februar kvart år.

DEN DAGLEGE DRIFTA

Stord kyrkje.

I 2019 var samtlege 7 ytterdører i Stord kyrkje skifta ut med nye eikedører (kopiar av dei gamle). Diverre viste det seg at dørene ikkje held den forventa kvaliteten. Dørene trekte vatn når det regna, og trutna som ein konsekvens av dette. Tidvis var nokre av dørene vanskeleg å opna og lukka. Stord kyrkjelege fellesråd har gjennomført ein reklamasjonsprosess i forhold til både hovedentreprenør og underleverandør. Me fekk hausten 2020 utarbeidd ein grundig tilstandsrapport (frå AKASIA rådgjeving) . Sommaren 2021 fekk me sett inn nye dører som skal tola dei klimatiske tilhøva der kyrkja står. I 2022 fekk me på plass avtale om årleg vedlikehald av dørene. Det vart dessutan montert automatisk pumpedøroppnar på døra ved rullestolninggangen.

Vidare rehabilitering Stord Kyrkje.

Den utvendige rehabiliteringa vart avslutta i 2010 utan fullgodt resultat. Trongen for å ta opp att dette arbeidet viser seg stadig tydelegare. Det er fuktinntrenging , særleg rundt vindauga på sørsida. Me har fått utarbeidd ein grundig tilstandsrapport (AKASIA) som avdekkar trong for store vedlikehaldsoppgåver. Den totale kostnaden ved renovering av ytterveggar, vindaugo og takrenner er anslått til ca 20 mill. Med ei første prioritering (sørsida) på ca 6, 5 mill. Stord kommune har muntleg lova pengar til dette prosjektet, fordelt over fleire år. Arbeidet med å finansiering og gjennomføring skulle vore starta i 2021.

Pga covid-19 situasjonen og utfordringar med å få på plass prosjektleiar, vart dette prosjektet utsett til 2022. Då det heller ikkje dette året lukkast å få kommunal prosjektleiar vert det no arbeid med ei anna løysing med tanke på oppstart i 2023.

Nysæter kyrkje

I Nysæter skifta me ut nokre dører og vindaugo.

Kyrkjelydshus, Stord sokn

Våren 2019 fekk Stord sokn/Stord kyrkjelege fellesråd tilbod frå kyrkjelyden Ebeneser om å kjøpa Fredheim, *Fredheim, Gnr 27:Bnr 70 i Hystadvegen.*

Det vart stifta ein eigen organisasjon, Kyrkjestova Fredheim. Denne organisasjonen fekk tilbod om eit privat lån som gjorde det mogleg å kjøpa Fredheim på seinsommaren i 2019. I 2021 var dette lånet innfridd og Kyrkjestova fekk innvilga lån av Stord kyrkjelege fellesråd.

Forholdet mellom Stord sokn/Stord kyrkjelege fellesråd og Kyrkjestova Fredheim er regulert i eigen avtale.

Me viser til Kyrkjestova Fredheim sin eigen presentasjonsbrosjyre og årsmelding.

Styreleiar for Kyrkjestova Fredheim er Dag Sele.

Gravplassane

Antal gravferder i Stord kommune er var høgare i 2022 enn dei føregåande åra.

Med utgangspunkt i antal innbyggjarar i Stord kommune er det grunn til å tru at dette talet vil vera aukande det komande tiåret. I Stord reknar me med at Frugarden byggetrinn I vil dekkja behovet for kistegraver fram til 2025.

Det er viktig at Stord kommune kjem i gong med Frugarden byggetrinn II snarast råd er.

I Nysæter er behovet dekkja for mange år framover.

Både Stord og Nysæter har rikeleg tilgang på urnegraver.

Det er planlagt å etablera namna minnelund på Nysæter gravplass. Den er forventa å vera klar til bruk våren 2023.

Personal / Organisasjon

Tilsette pr. 31.12.2022	Personar 2022	Årsverk 2022	Personar 2021	Årsverk 2021	Personar 2020	Årsverk 2020
Fast tilsett	17	12,57	18	13,47	18	12,5
Mellombels tilsett	0	0	0	0	1 (5 mnd)	0,3
Vakant stilling	1	1	0	0	1 (5 mnd)	0,4
Prestar (ikkje tilsette i fellesrådet)	4*	2,5*	5*	3,5*	5*	3,5*
Permisjon	1 (i 5 mnd)	0,4	0	0	0	0
* To sokneprestar + tenester frå andre etter behov.						

- I tillegg til årsverk kjem **vikarar** for kontorar, kyrkjetenar og gravplassarbeidarar = ca eitt årsverk.
- **Uløna medarbeidarar** utgjer mellom 120 og 160 personar (mellom anna innan diakoni, undervisning og kyrkjelydsarbeid).
- **Hjördis J. Heggland** vart pensjonist frå 04.05.2022 og slutta då i stillinga som diakonimedarbeidar.
- **Ole Jørgen Furdal** gjekk over på AFP og slutta som kontor i Stord 30.09.2022.
- **Noah Wibe** vart tilsett i 100 % stilling som kyrkjemusikar frå 01.10.2022. Han har vore fast vikar som organist sidan 2017.
- **Elisabeth Fauskanger** fekk innvilga 100 % uløna permisjon frå 01.08.2022 – 01.07.2023..

SJUKEFRÅVER

2018	2019	2020	2021	2022
12,86 %	8,17 %	9,45 %	5,19 %	11,7

2022 var prega av fleire langtidssjukemeldingar..

Økonomi /budsjett

Rekneskapa syner eit overskot i drifta for 2022 på kr. 79 559,-

Løn og sosiale utgifter er den største kostnaden og utgjorde i 2022 kr. 10 457 971,- (2021 kr. 10 168 402,-) Bispedømerådet gjev lønstilskot til kateket /kyrkjelydspedagog (nesten 100 %), soknediakon (nesten 50%) og kjøp av sekretærtenester for prosten (25 %). I tillegg vert 20 % av lønsutgiftene for kyrkjelydsarbeidar refundert av bispedømerådet (vikar for prest i konfirmantarbeidet) og 40 % av eine gravplassarbeidarstillinga refundert frå NAV.

Mottekne prosjektmidlar frå BDR til trusopplæringa var kr 1 369 876,- .

Summen skal dekkja lønsutgifter for 1,7 stillingar + driftsutgifter i trusopplæring.

I investeringsbudsjettet er det sett 1 mill pr år til rehabilitering/ vedlikehald av begge kyrkjene. Som vist ovanfor er dette langt frå nok til å gå i gang med det store renoveringsprosjektet.

Stord kommune er rekneskapsførar for kyrkja. KPMG utfører revisjonen.

Rammetilskot til fellesrådet frå Stord kommune inkl. kremasjonstønad (90.000) var i 2022 kr 8 958 342,- (2021 kr. 8 706 753,-).

Stord kommune har i fleire år hatt ei ordning der meirkostnadane med kremasjon vert refundert av kommunen. Gjennom denne ordninga har kostnadane vore like høge enten pårørande velgjer kremasjon eller kistegravferd. Årleg avsett sum til formålet har heilt sidan oppstarten vore 90.000 i det kommunale budsjettet. Det er ikkje tvil om at dette har vore ein medverkande årsak til at fleire velgjer kremasjon i Stord. Stord kommune løyvde også i 2022 kr. 90.000 i kremasjonstønad. Sidan antal kremasjonar er aukande, vert tildelingssummen lågare pr. kremasjon. I 2021 vart kvar kremasjon subsidiert med kr. 2.250,-. Dette utgjer ca 40 % av meirkostnadane med kremasjon.

Stord kyrkjelege fellesråd viser elles til driftsrekneskap 2022 og investeringsrekneskap 2022 inkl. egne prosjektrekneskap.

Utfordringar og utvikling

KONKRETE OPPGÅVER / UTFORDRINGAR FRAMOVER

- Rehabilitering Stord kyrkje. Finansiering og gjennomføring.
- Byggetrinn II, Frugarden gravplass.
- Større rammetilskot frå kommunen
 - øyremerka utviding av antal årsverk på gravplassane i tråd med auka gravplassareal samt midlar til fornying og utviding av maskinparken.
 - det er behov for eit høgare tilskot til drifta av kyrkja generelt.
- Samarbeid mellom fleire kyrkjelege fellesråd i regionen
- Vidare utvikling av rehabiliteringsprogrammet for Stord kyrkje. Finansiering og gjennomføring
- Praktisk og økonomisk gjennomføring av trusopplæringsplanen som er under revidering.
- Kyrkjelydshus og toalett ved Stord kyrkje. Finanisering og bygging.
- Fleire uløna medarbeidarar til ulike oppgåver i kyrkjelydane våre.
- Ny kyrkjeordning ventar. Kven skal ha personalansvaret ? Korleis skal kyrkja finansierast. ?

Til slutt....

Stord kyrkjelege fellesråd er oppteken av å sikra gode rammevilkår for kyrkja si verksemd i Stord.

Fellesrådet prioriterer framleis eit nært og godt samarbeid med Stord kommune, mellom anna gjennom tenesteyting / tenestekjøp.

Fellesrådet vil hjelpe til og leggja til rette for (ref. Kyrkjelova §14) at sokneråda kan nå dei måla som er sett for arbeidet (ref. Kyrkjelova §9). Dette søker fellesrådet å oppnå ved å tileigna seg kompetanse og økonomisk handlefridom i kyrkjeorganisasjonen, og ved tiltak som skaper "aktivt engasjement og stadig fornying" (Kyrkjelova §1) i kyrkja i Stord.

Fellesrådet ynskjer å styrkja og vidareutvikla kyrkja i Stord som ein god arbeidsplass, prega av tryggleik, trivsel, involvering, god motivasjon, samhald og felles fokus gjennom å ta vare på medarbeidarar og gje høve til utvikling og vekst, både fagleg og personleg.



Stord, 01. juni 2023
For Stord kyrkjelege fellesråd

Dag Sele
Leiar i Stord kyrkjelege fellesråd

Liv Kari Bru
Kyrkjeverje/dagleg leiar